

Մրցույթի հիմնական պայմանները

1. Ընդհանուր դրույթներ

Սույնով (այսուհետ «Առաջարկ») սահմանվում են մրցույթի (այսուհետ, «Մրցույթ») պայմաններն ու կանոնները: Մասնակցելով Մրցույթին՝ Դուք հայտարարում եք, որ լիովին և անվերապահ ընդունում եք Առաջարկի այս պայմանները:

Սույն Առաջարկը համարվում է մարքեթինգային միջոցառում:

2. Կազմակերպիչ

2.1. Մրցույթը իրականացվում է Կոնվերս Բանկ ՓԲԸ-ի (այսուհետ՝ Բանկ) կողմից (հասցե՝ ք. Երևան, Վ. Սարգսյան 26/1):

2.2. Մրցույթը անցկացվում է Հայաստանի Հանրապետության տարածքում:

3. Մրցույթի ժամկետ

3.1. Մրցույթի հայտարարությունը տեղադրված է Բանկի կայքում, www.conversebank.am:

3.2. Մրցույթը անցկացվում է 2022 թվականի օգոստոսի 01-ից ժամը 00:01-ից մինչև 2022 թվականի սեպտեմբերի 30-ը 23:59: Մրցույթի պայմանները նկարագրված են Առաջարկի 5-րդ բաժնում:

3.3. Մրցույթի արդյունքների ամփոփումը կիրականացվի Բանկի ֆեյսբուքյան էջի(www.facebook.com/conversebank) ուղիղ հեռարձակման միջոցով՝ մինչև 2022թ.-ի նոյեմբերի 10-ը ներառյալ:

3.4. Մրցույթի ամփոփումից հետո 15 (տասնհինգ) օրվա ընթացքում կապի հաստատման անհնարինության դեպքում (Հաճախորդի չպատասխանելու, անհասանելի լինելու, Բանկին սխալ/թերի տվյալներ հաղորդած լինելու կամ այլ) Մրցույթի արդյունքները տվյալ Հաճախորդի համար համարվում են ուժը կորցրած:

3.5. Մրցանակների սերտիֆիկատները վավեր են մրցույթի ամփոփումից սկսած 6 (վեց) ամիս ժամկետում:

3.6. Սույն Առաջարկում նշված ցանկացած ժամանակ պետք է համարվի Երևանի ժամանակ:

4. Մրցույթի մասնակիցներ

4.1. Ֆիզիկական անձ, ՀՀ ռեզիդենտ հաճախորդներ(ողջ տեքստում՝ Հաճախորդ), ովքեր կներբեռնեն կամ կունենան արդեն գործող Converse Mobile հավելվածը և իրենց տրամադրված Mastercard քարտ/եր/ով կկատարեն հանրագումարային 200,000 ՀՀ դրամ և ավել ընդհանուր գումարի անկանխիկ գործարքներ Մրցույթի անցկացման ժամակահատվածի ընթացքում:

4.2. Մրցույթին կարող են մասնակցել 18 տարին լրացած Հաճախորդները, բացառությամբ Բանկի աշխատակիցների:

5. Մրցույթին մասնակցելու կանոններ

5.1. Մրցույթի մասնակից դառնալու համար հարկավոր է Կոնվերս Բանկի Mastercard վճարային քարտի առկայություն:

5.2. Mastercard քարտ/եր/ով հարկավոր է կատարել հանրագումարային 200,000 ՀՀ դրամ և ավել ընդհանուր գումարի անկանխիկ գործարքներ Մրցույթի անցկացման ժամակահատվածի ընթացքում:

5.3 Առաջարկի 5.2 կետում նշված կանոնները կատարելու դեպքում Հաճախորդը էլեկտրոնային հասցեին ստանում է անհատական կոդ, որով կարող է մասնակցել Մրցույթին:

5.4. Հաճախորդը պետք է ներբեռնի և գրանցվի Converse Mobile հավելվածում:

5.5. Եթե Հաճախորդը գրանցված է Converse Mobile-ում, կատարում է գործարքներ Կոնվերս Բանկի Mastercard-ով Մրցույթի անցկացման ժամանակահատվածում և գործարքների ընդհանուր ծավալը կազմում է 200,000 ՀՀ դրամ, ապա Հաճախորդը համարվում է Մրցույթի մասնակից:

5.6. Յուրաքանչյուր հաջորդ 200,000 ՀՀ դրամ գործարքի դեպքում Հաճախորդի հաղթելու հավանականությունն ավելանում է:

5.7. Կատարած յուրաքանչյուր հանրագումարային 200,000 ՀՀ դրամի դիմաց Հաճախորդը ստանում է մեկ անհատական կոդ:

5.8. Քարտից քարտ փոխանցումները, քարտից այլ հաշիվ փոխանցումները, կոմունալ վճարումները (ներառյալ հեռահաղորդակցման, հեռուստատեսության, ինտերնետ ծառայությունների վճարները), հաշիվների, քարտերի, էլեկտրոնային դրամապանակների համալրումները, վարկի մարումները, խաղատների և շահումով խաղերի խաղադրույքների, վիրտուալ խաղատների և խաղադրույք ընդունող

ընկերությունների հաշիվների համալրումները, պետական մարմինների ծառայությունների դիմաց վճարները, տուրքերը, տուժանքները, օրենքով պարտադրված հարկերի վճարները, մուծումները, այլ վճարները և Բանկի ներքին համակարգերով իրականացված գործառնությունները չեն մասնակցում անկանխիկ գործարքների հաշվարկին:

5.9. Մրցույթի պայմանները չեն տարածվում հավելյալ և կից քարտերի վրա, և վերոնշյալ քարտերով գործարքները հաշվարկին չեն մասնակցում:

5.10. Անկանխիկ գործարքների ծավալի հաշվարկը կկատարվի հետևյալ սկզբունքով՝ ՀՀ դրամ արժույթով քարտերի դեպքում հաշվարկին կմասնակցի հաշվեգրված գումարի դրամային արտահայտությունը, իսկ արտարժույթային քարտերի դեպքում՝ քարտի արժույթով հաշվեգրված գումարը փոխակերպված դրամի հաշվեգրման օրվա համար սահմանված ՀՀ ԿԲ փոխարժեքով:

5.11. Անկանխիկ գործարքների հաշվարկին չեն մասնակցում այն գործարքները, որոնց գծով կատարվել է գործարքի հետվերադարձ:

5.12. Բանկը հաղթող մասնակիցներին մրցանակի փոխարեն գումարային փոխհատուցում չի իրականացնում և մրցանակը չի փոխարինում այլ նվերով:

5.13. Բանկը պատասխանատվություն չի կրում POS տերմինալների և EPOS-տերմինալների խափանման (այդ թվում՝ կապի)/անսարքության պատճառով չիրականացված կամ ոչ պատշաճ իրականացված անկանխիկ գործարքների համար:

5.14. Բանկն իրավունք ունի հրաժարվել մրցանակներ տրամադրելուց, եթե Մրցույթի մասնակցի կողմից կատարվել է Մրցույթի պայմանների խախտում և/կամ զեղծարարություն և/կամ չարաշահում:

5.15. Խաղարկության հաղթողները, մասնակցելով Մրցույթին, տալիս են իրենց համաձայնությունը իրենց անունները Բանկի պաշտոնական կայքում և/կամ սոց կայքերի պաշտոնական էջերին տեղադրելու հարցում:

6. Հաղթողների սահմանում

6.1. Հաղթողների ընդհանուր թիվը՝ 41 հոգի:

6.2. Նվերների ցանկն է.

№	Նվերների ցանկ	Քանակ
---	---------------	-------

1	Ուղևորություն դեպի Մալդիվներ՝ նախատեսված 2 անձի համար	1 հատ
2	iPhone 14	5 հատ
3	ավանդի սերտիֆիկատ (100,000 ՀՀ դրամ առկա մնացորդով)	35 հատ
	Ընդհանուր	41 հատ

Եթե Մրցույթի ամփոփման ժամանակահատվածում յոթ iPhone 14 հեռախոսները թողարկված չլինեն Հայաստանյան շուկայում, ապա Բանկի կողմից տրամադրվում է սերտիֆիկատ: Սակայն, եթե մասնակիցը համաձայն է, իր սերտիֆիկատը կարող է փոխարինվել iPhone 13-ով:

6.3. Մրցույթում հաղթողները կընտրվեն պատահականության սկզբունքով՝ Հաճախորդներին տրամադրված անհատական կոդերից պատահական ընտրության միջոցով: Ընդ որում՝ յուրաքանչյուր Հաճախորդին տրամադրված բոլոր եզակի անհատական կոդերը մասնակցում են վիճակահանությանը միմյանցից անկախ:

6.4. Մրցույթի արդյունքների ամփոփումը կիրականացվի Բանկի ֆեյսբուքյան էջի ուղիղ հեռարձակման միջոցով՝ մինչև 2022թ. նոյեմբերի 10-ը ներառյալ: Մրցույթի ուղիղ հեռարձակման օրվա և ժամի մասին բոլոր մանրամասները Մրցույթի մասնակիցներին կձանուցվեն իրենց էլեկտրոնային հասցեին կամ SMS-ի միջոցով:

6.5. Մրցույթի մրցանակները ստանալու և ամփոփիչ միջոցառման անցկացման վայրի ու ժամանակի մասին Բանկը կտեղեկացնի Հաճախորդին էլեկտրոնային հասցեին և/կամ հեռախոսագանգի և/կամ SMS միջոցով:

6.6. Մրցույթի արդյունքում հաղթող ճանաչված մասնակիցների անհատական կոդերը կհրապարակվեն Բանկի պաշտոնական կայքում և ֆեյսբուքյան էջում՝ մինչև 2022թ. նոյեմբերի 15-ը, Երևանի ժամանակով ժամը 23:59:

6.7. Հաղթող մասնակցի՝ ամփոփիչ միջոցառմանը ներկա գտնվելու անհնարինության դեպքում ամփոփիչ միջոցառմանը կարող է մասնակցել լիազորված անձը՝ օրենքով

սահմանված կարգով տրամադրված լիազորագրով և անձը հաստատող փաստաթղթով:

6.8. Լիազորագիրը հնարավոր է տրամադրել նաև Բանկում, թվային ճանապարհով՝ ՀՕ ինտերնետ բանկ համակարգի միջոցով կամ Converse Mobile հավելվածի չաթ բաժնում:

6.9. Մրցույթի, մրցանակների տրամադրման մանրամասները ճշտելու համար Բանկը կապ է հաստատում Հաղթողների հետ հեռախոսով/էլեկտրոնային փոստով: Բանկը կստանա կամ կպահանջի միայն այնպիսի անձնական տվյալներ, որոնք անհրաժեշտ են համարում մրցանակը տրամադրելու և շուկայավարման նպատակներով օգտագործելու համար՝ համաձայն Հայաստանի Հանրապետության գործող օրենսդրության: Հաճախորդների անձնական տվյալների վրա տարածվում է Բանկի գաղտնիության քաղաքականությունը: Մասնակցելով Մրցույթին՝ մասնակիցը համաձայնում է Մրցույթի բոլոր պայմաններին:

6.10. Ցանկացած լրացուցիչ գործողությունների համար և մրցանակի հետ կապված այլ ծախսերը կատարվում են հաղթողի կողմից:

6.11 Բանկի հաղորդակցման տվյալները

Մանրամասների և հավելյալ տեղեկատվության համար կարող եք՝

- այցելել Բանկի <https://www.conversebank.am> ինտերնետային կայք
- այցելել Բանկի Գլխավոր գրասենյակի Հաճախորդների սպասարկման գրասենյակ կամ ցանկացած մասնաճյուղ
- զանգահարել +374 10 511211 հեռախոսահամարով
- Email՝ info@conversebank.am
- Viber՝ +374 95 511211
- Skype՝ conversebank-callcenter